


KULTUR

ZURKAITZA

ALTXATA ELKARTEA • BAZTANDARREN BILTZARRA • BEHINPIN TALDEA
DOIKE EUSKARA TALDEA • LANGARRA EUSKARA TALDEA
MALERREKAKO IKA • TTIPI-TTAPA ALDIZKARIA • XORROXIN IRRATIA



Goizueta

Goizuetan bada gizon bat deitzen zaio "trabuko" hitzak ederrak bihotza paltso sekula ez zaio faltako egin dituen dilijentziak berari zaizkio damuko.

Ondo oroitu hadi zer egin huan Elaman, difuntu horrek izandu balu ahaidekorikan Lesakan orain baino lehen egongo hintzan ni orain nagon atakan.

Nere andreak ekarri zuen Aranaztikan dotea, hobe zukean ikusi ez balu Berdabioko atea, orain ez zuen hark edukiko dadukan pesadunbrea.

Nere buruaz ez naiz oroitzen zeren ez naizen bakarria hazitzekoak hor uzten ditut bi seme ta hiru alaba jaun zerukoak adi dezala hoi en amaren negarra.

(1966) Herri Kanta / Mikel Laboa

Iturengo arotza

Iturengo arotza, Erramun Joakin, hasarre omen zaude zeren dugun jakin santurik ez liteke fiatu zurekin: San Kristobal urtuta Joariak egin.

Arotzak erran dio bere andreari:

- Urtu behar dinagu, ekarran santu hori
- Gizona zertat zoaz? Bekatu da hori
- Ez zionagu erranen sekulan inori.

Iturengo garaile Ramuntxo Joakin haserre omen zaude zeren dudan jakin konfesa zaite ongi erretorarekin: ez dute zer fidatu santuek zurekin.

Kobrezko santurikan inon bazarete, egoten ahal zarete hemendik aparte; baldin arotz horiek jakiten badute joarinen egiteko urtuko zaituzte.

(1969) Herri Kanta / Mikel Laboa

Baztan

Ez dakit garbi noiz bainan, egun sentiarekin izango zen

Baztango bazterrak isilka nere logelan hasi ziren hasi ziren sartzen eta sartzen lekurik ezak, nunbait esnatu ninduen... segituan jautsi nintzen nun nengoen

leihoa ireki nuen eta emeki-emeki Baztango lurrean Baztan baitan Baztan izan nintzen.

(1974) Hitzak: J.A. Arze
Musika: Mikel Laboa

Kultur Zurkaitza Mikel Laboarekin abiatzen da, gure eremuarekin lotura estuak dituen pertsonai honekin. Berak hautatutako kantak dituzue hemen agertzen direnak, urteetan, nolabait, beti buruan izan gaituela frogatzen duten kantuak. Ez dira Elizondoko kantaldian kantatuko dituenak, preziski, nahiz eta hauetako bakarren bat, seguraski, kantatuko duen.

Urtsuako kanta

- Goitizazu burua, ene arreba Juana.
- Ez dezaket goratu, anai Bautista jauna.
- Izorra omen zara, ene arreba Juana.
- Zertan ezagun nauzu, ene anai jauna.

Zazpi errota berri zortzi jauregi txuri; Horien guziengatik nik ez Urtsura nahi.

- Zaldi zelarekin, zuretzat jarria da.
- Nik iten dudan haurra zure besokoa izain da.


Urtsuan zazpi leiho, zazpiak lerro lerro Lantainako alaba Urtsuan defuntu dago.

(1966) Herri Kanta / Mikel Laboa




Iñaki SALVADOR

Eduardo SALVADOR



Josetxo
SILGUERO



Carlos ITOIZ

Denbora galduaren bila (Doneztebe)


Musical notation for the first system of the piece, including a treble clef, a key signature of one flat, and a 12/8 time signature. The notation includes various chords and melodic lines with bar numbers 1 through 10.

Musical notation for the second system of the piece, continuing the melody and accompaniment with bar numbers 11 through 22. It includes various chords and melodic lines.

Música: Mikel Laboa



Jesus ARZE
Joseba URZELAI



Aitor
LANDETA



Joseba TAPIA

Gaztetasuna eta zahartasuna

Ene izpirituan bazen zenbait pertsu
oraino den guzia ez zerait hustu.-
Zertaz dutan solasa emazue kasu
Espikatuko baitut ahal bezain justu.

Zahar bezain prestu
odola zaut hoztu
bihotza ere lastu,
gorputza beraztu.

Oraino gazte banintz banuke gustu!

Zahar-gazteen arteko hau da parabola:
zuzen espikatzia hein bat gogor da
gaztea ez daiteke adin batez molda,
gorputza sendo eta azkar du odola;

Zahar ez da hola;
iragan denbora
etortzen gogora
eta ezin kontsola...

Nekez bihurtzen baita zahar arbola!

Egunak badoazi egunen ondotik
ez dira elgar iduri joaiten hartatik:
atzo iguzkiaren distira zerutik,
egun hobela jalgi itsaso aldetik:

Euria ondotik
hasi da gogotik
hedoien barnetik
hortakoz badakit

Erituko naizela bustiz geroztik!

Otxalde / Herrikoia / Mikel Laboa (1985)

Kantuz

Kantuz sortu naiz eta kantuz nahi bizi,
Kantuz igortzen ditut nik penak ihesi;
Kantuz izan dudano zerbeit irabazi,
Kantuz gustura ditut guziak iretsi;
Kantuz ez duta beraz hiltzea merezi?

Kantuz eman dut zonbeiten berriak,
Kantuz atseginekin erranez egia;
Kantuz egin baititut usu afruntuiaik,
Kantuz aithotzen ditut nere bekatuiak,
Kantuz egingen ditut nik penitentziak.

Kantuz ehortz nezate, hiltzen naizenian,
Kantuz ene lagunek harturik airian;
Kantuz ariko zaitzkit lurrean sartzian;
Kantu frango utziko diotet munduan,
Kantuz har diten beti nitaz orhoitzian.

Jose Mendiago (1980)

Lore sortu orduko

Hogeigarren urtera ari naiz hurbiltzen...
eta nere oinetan tonba dut ikusten
ni zertako mundura etorria nintzen?
ondikoz ez sortzea neretzat hobe zen.

Sekulan zoriona zer den jakin gabe,
ainitz dut nik lurrean izan atsegabe
lore sortu orduko histu baten pare,
biziaren uztera guti naiz herabe.

Mendian ur txirripa, harrien artean,
auhen eta nigarrez jausten da bidean,
izan nahi baihuke zelai ederrean...
hala nere egunak badoaz lurrean.

Harlouchi
Herrikoia
Mikel Laboa (1989)



Kantu hauek Arizkungo Xabier Larralderi ikasiak dira



Gure bazterrak

Maite ditut
maite
geure bazterrak
lanbroak
izkutatzen dizkidanean

zer izkutatzen duen
ez didanean ikusten
uzten

orduan hasten bainaiz
izkutukoa...
nere barruan bizten diren
bazter miresgarriak
ikusten

Hitzak: J.A. Artze
Musika: Mikel Laboa